



Павелнің Филимонға пічии

Пу пічікті Павел илчі Римде харибде одырғанында пас салған (көр Ефестегілерге, Филипптегілерге паза Колосстағыларға пічіктерні).

Римде полған туста Павел Онисим аттығ тискен хулнаң танызып алған. Павелден Чахсы Хабарны истіп алып, Онисим Христосха киртін парған. Павел, Онисимге тың хатығладарынаң хорғыс полза даа, Филимон ээзінзер нандыра айланарға кирек тіп, чарат салған. Онисимнің ээзі Колосс саардаң тастыхти чуртапчатхан христианин Филимон полған. Павел анынаң таныс полған.

Ол ондайнаң, Павел Филимоннан, Онисимнің пырозын тастап, аарлапчатхан харындазына чіли, хайарға сурынча. Павелнің Онисимні Римзер айландыары килче, че ол анзын хыспинча, иптинче аннан сурынча.

Алғыстап пазырғаны

1 Мин, Иисус Христостың кинчелеп салған кізізі Павел, паза Тимофей харындас пістің хынғаныбыс паза хабасчыбыс Филимонға, ²ідök Апфийге, хынған тунмабысха, паза піснең хада пір тоғыс итчеткен кізее Архипке, синің ибдегі тигірибіне^с пасчабыс. ³Худай Пабабыстаң паза Хан-пигібіс^с Иисус Христостаң паарсас паза амыр хоных сірерге ползын.

⁴Сині пазырыстарымда сағысха кирчетсем, Худайымны сыбыра алғидырбын. ⁵Синің Хан-пигібіс Иисусха киртінізіңненер паза прай ах-арығларға хынызыңнаңар истедірбін. ⁶Синің киртіністіглернең палғалызың түзімніг ползын паза чуртастарында пар чахсы нимені сизінерін пирзін тіп пазырчам. Ол піске Христосты саblandыар үчүн пирілген. (Хайдағ даа чахсы нимені оналарында киртініс палғалыстарың түзімніг ползыннар. Анзы

піске Христостың үчүн пирілген). ⁷ Мин синің хынызыңа тың өрін парғам, анзы минің көңнім көдірібіскен. Синің сылтаанда, харындазым, ах-арығларның даа чүрекері истен парыбысты.

Онисимнеңер сурыныс

⁸ Христостың сылтаанда мин көні кізі полып, сині идер ни-менні иттирерчкпін. ⁹ Че, хыныснаң сурынза, артых полар. Мин, Павел аға, амды Иисус Христостың кинчелеп салған кізізі, ¹⁰ синнең оолғымнаңар сурынчам. Мин аны, Онисимні*, чабыҥ-да төрiткeм. ¹¹ Тузында ол сағаа тузазы чох полған. Амды ол са-ғаа даа, мағаа даа тузальҥ. Мин аны сағаа нандырчам. ¹² Син, ті-зең, аны, мині чіли удурла, тыным ол нооза. ¹³ Мин аны позым-да тут халарға иткeмөк: синің орныңа мағаа, Чахсы Хабарның кинчелеп салған кізізіне, хабассын тіп. ¹⁴ Че синің чарадиин чох пір дее ниме идерге хынмадым: синің чахсы иткенің ирік чох-таң на полбазын, че пос көңнінең иділзін. ¹⁵ Хынза, ол синнең түрчеге парыбысханы амды син аны нандыра саңайға алып ала-рың үчүн полған. ¹⁶ Че хулны чіли нимес. Ол хулдаң пөзік. Ол хынған харындас, улам мағаа. Сағаа ол аннаңох аарлығ: ол сағаа кізі дее, Хан-пигібіс хоостыра харындас таа.

¹⁷ Ол оңдайнаң, миннең пілісчeткeн ползаң, аны миніөк чіли удурла. ¹⁸ Сынап, ол сині пірее хайди хомзындыр салған полза алай сағаа алымнығ полза, анзын мағаа санабыс. ¹⁹ Мин, Павел, мыны позымның холымнаң пастым: мин төлирбін. Син мағаа чуртазыңнаң алымнығ полчатханыңны мин чоохтабиндаачам. ²⁰ Аннаңар, харындас, Хан-пигібістің үчүн көңнім толдыр пир, Хан-пигібісте чүреемні амырат сал.

²¹ Синің чоох истеріне ізеніп, синзер пастым. Пілчeм нооза мин чоохтааннаң син артых таа идерзін. ²² Ағаа хоза, мағаа орын даа тимнеп пир: сірeрнiң пазырғаныңар хоостыра, сірeргe сыйых полып пирілеріме ізенчeм. ²³⁻²⁴ Епафрас, Христос Иисустың үчүн миннең хада чабыҥда одырчатхан кізі, Марк, Аристарх, Димас, Лука – мағаа хабасчатхан кізілер, сағаа изен читірчелер. ²⁵ Хан-пигібіс Иисус Христостың паарсазы сірeрнiң худыңарнаң хада пол-зын. Аминь^с.

* 1:10 Онисим ат «кирек, тузальҥ» теенін таныхтапча.